

Дин — илм ва амалдир!



18:30 / 06.03.2022 1654

Баъзилар динни фақатгина баданий ибодатдан иборат деб ўйлашади. Ҳолбуки, дин илм ва ибодатдир. Илмсиз дин фалокатдир.

Ўйлаб кўринг, бир пайтлар шундай кишилар чиқдики, саҳобалар уларнинг қилган амаллари олдида ўз амалларини оз ҳисоблаб қолишиди. Аммо у кишиларда ибодат бўлсада англаш йўқ эди, фиқҳ йўқ эди, илм йўқ эди. Оқибат шу бўлдики, улар Расулуллоҳ соллаллоҳу алайҳи васалламдан сўнг башариятнинг энг гултожлари бўлган саҳобалар розияллоҳу анҳумга қарши қилич кўтаришиди.

Имом Молик роҳимаҳуллоҳ айтадилар:

«Бир қавм ибодатни исташди, илмни зое қилишиди. Оқибатда Муҳаммад алайҳиссаломнинг умматига қилич яланғочлаб қарши чиқишиди. Агар улар илм олишганида илм уларни бундан тўсган бўлар эди!».

Ҳасан Басрий роҳимаҳуллоҳ айтадилар:

«Илмсиз амал қиласиган киши ислоҳдан кўра кўпроқ фасод қиласиди. Илмни шундай талаб қилингки, ибодатга зарар етмасин. Ибодатни шундай қилингки, илмга зарар етмасин!».

Ибодатнинг кўпи илмдан беҳожат қилмайди. Дин ва дунёни тушуниш албатта илмдадир!

Набий соллаллоҳу алайҳи васаллам:

«Олимнинг обиддан афзалиги худди тўлин ойнинг бошқа юлдузлардан афзалиги кабидир», дейдилар.

Бугун ҳам мусулмон умматини қони тўкилишида динсизлар билан бир қаторда илмсиз мусулмонларнинг, ақидаси бузуқ обидларнинг ҳам яхшигина ҳиссаси бор.

Зеро, бир мусулмоннинг ноҳақдан қони тўкилганидан, Аллоҳ учун бу дунёning йўқ бўлиб кетиши енгилроқдир!

Абдулқодир Полвонов